

清浙水西遺廬學堂徵觀沙門 續法源瑣 纂并註

賢首五教儀科註
(下冊)

佛陀教育基金會 印贈

佛曆二五五二年／西元二〇〇八年八月

恭印一五〇〇本

賢首五教儀科註《下冊》

C483-7280

普爲出資及讀誦受持
輾轉流通者回向偈曰

願以此功德

消除宿現業

增長諸福慧

圓成勝善根

所有刀兵劫

及與饑饉等

悉皆盡滅除

人各習禮讓

讀誦受持人

輾轉流通者

現眷咸安樂

先亡獲超昇

風雨常調順

人民悉康寧

法界諸含識

同證無上道

發行人：林國營

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail: budaedu@budaedu.org

電話：(02) 2395-1198

傳真：(02) 2391-1341

劃撥戶名：財團法人佛陀教育基金會

郵局劃撥帳號：0769497九

銀行名稱：台北富邦銀行東門分行（請於電匯或轉帳後告知本會用途）

銀行帳號：五八〇二一〇一一九三三三

本會經書免費結緣之請取方式如下：

(一) 親臨本會三樓講堂。(二) 利用傳真：(02) 2395959

(三) 撥打電話：(02) 23951198 分機：11、12、13

(四) 網址：<http://www.budaedu.org/books/>。(五) 寫信指定：本會法寶流通股。

爲提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通——

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、237、262

台北商業技術學院→253、297、237 仁愛路二段→222、297

開南商工→208、295、297、0南、15、22、671

行政院新聞局出版事業登記證局版臺業字第三八六九號

清 浙水西陵慈雲寺教觀沙門 續法灌頂 集并註

賢首五教儀科註下冊

(卷卅三、卷四八)

佛陀教育基金會 恭印

1. The first part of the document is a list of names and addresses of the members of the committee.

2.

3. The second part of the document is a list of names and addresses of the members of the committee.

4. The third part of the document is a list of names and addresses of the members of the committee.

5. The fourth part of the document is a list of names and addresses of the members of the committee.

賢首五教儀科註 目錄

下冊

賢首五教儀科註卷第三十三	1693
賢首五教儀科註卷第三十四	1731
賢首五教儀科註卷第三十五	1772
賢首五教儀科註卷第三十六	1829
賢首五教儀科註卷第三十七	1878
賢首五教儀科註卷第三十八	1932
賢首五教儀科註卷第三十九	1998
賢首五教儀科註卷第四十	2047
賢首五教儀科註卷第四十一	2106
賢首五教儀科註卷第四十二	2159

賢首五教儀科註卷第四十三 ----- 2204

賢首五教儀科註卷第四十四 ----- 2251

賢首五教儀科註卷第四十五 ----- 2304

賢首五教儀科註卷第四十六 ----- 2358

賢首五教儀科註卷第四十七 ----- 2406

賢首五教儀科註卷第四十八 ----- 2460

伯亭大師傳記總帙 ----- 2515

慈雲伯亭大師古希紀 自識
實行 ----- 2515

浙江天竺山灌頂伯亭大師塔誌銘 ----- 2523

上竺灌頂大師囑法語 ----- 2530

賢首五教儀科註卷第三十三

清 浙水西陵慈雲寺教觀沙門 續法灌頂 集并註

崎山東明興福寺旭沕沙門 心蓮元芳 較編定

古杭仁和艮山門樂善居士、徐汶東表 會閱梓

戊次。別通妨難。

問。此之六宗。何異五教而重辯耶。答。今此六宗。對前五教。互有寬狹。一宗容有多教。一教容具多宗。又宗則一宗容具多經。隨何經中。皆此宗故。教則一經容有多教。若局判一經以為一教。則抑諸大乘矣。問。若各有通局。何不得以宗為教。以教為宗耶。答。立教分宗。各有體式。教約佛在世時。說意權實有殊。宗就佛滅度後。人心崇重各別。又立教必須斷證階位等異。分宗但明所尚旨趣不同。第二第三。執法有異。故開為二宗。斷證位次。不離三道。故合為一教。又初宗內。二十部別。宗可為六。而斷證位。不離八輩。教則為一。餘諸宗義。如立教明。故宗與教。其旨自有別焉。

問下。先正爲通妨。中有二義。一顯通局不同。先難也。謂有難云。前判五教。

今立六宗。所詮義旨。相即不異。如云。初宗即小教。乃至第六宗即圓教等。何故教後重辨宗耶。答下。次通

也。分二。先雙標。謂爲通云。宗教對論。或宗寬而教狹。或教寬而宗狹。既互有寬

狹。故不妨各論也。一宗下。次雙釋。二。初直以六宗五教對論寬狹。又二。先宗通

教局。如法性宗。通終頓圓三教。無相宗。通始頓二教。緣起宗。亦通終頓二教。圓

融宗。亦通漸圓頓圓二教。一教下。後教通宗局。如小教。通二宗。因緣假名。三宗。

我法俱有。無我因緣。因緣但名。四宗。俱有。無我。俗假。但名。六宗。如前可知。初教。通空相兩宗。圓教。通會歸無盡二

宗。又宗下。次轉以宗教就經說其寬狹。亦二。先宗通教局。又宗句。正釋也。華玄

鈔云。顯明宗通。以一理事無礙宗內。談法華。維摩。涅槃等故。而影出教局也。如

一經中。具有五教。不相通故。【文】會玄云。一宗通多經。故通。五教互不通。故

局。問。餘經可爾。華嚴圓經。具五教義。爲互通。爲不互通。通則違此文云。五教

各不相通。不通則違前疏說云。斯則有所通。無其所局。答。此中且論餘經。不說

華嚴。若說華嚴。約遮詮。則非通非局。約表詮。則通局無礙。故是圓融具德也。前云無其所局者。且約遮他。前之四教。不攝圓故。有所通者。乃是表自。圓教必攝餘四教故。今云五教不相通者。正謂圓具餘四。是通。餘四前不具後。是局。則圓教通。偏教局。兩不相通。故前後所說。無有違也。筆削記云。一宗具多經者。如起信論。宗百餘本大乘經典。但屬藏心宗也。【文】隨何下。出意也。筆削記云。但是諸經真實了義。皆此緣起宗攝。又如一切經中空義。皆是三論無相宗攝。餘皆倣此。【文】教則下。次教通宗局。先正釋。華玄鈔云。顯明教通。如一維摩。則具五教。涅槃般若等。亦具五教。而影出宗局。維摩但是事理無礙宗。不通深密三性空有等宗故。【文】維摩具五教者。彼云。是身無常。無強。無堅等。小教也。無以穢食。置於寶器。大非小分。分教也。不生不滅。是無常義。始教也。不滅癡愛。起於明脫等。終教也。嘿顯不二等。頓教也。一音演說。隨類得解。乃至現不思議解脫境界等。圓也。等。指楞伽。楞嚴。圓覺。法華等。筆削記云。如華嚴中。具說十惡十善。即人天

教。說四諦十二因緣。即小乘教。具列地位。即分教也。三天偈云。法性本空寂。無取亦無見。性空即是佛。不可得思量。即始教也。如心佛亦爾。如佛衆生然。心佛及衆生。是三無差別。即終教。初發心時。便成正覺。即頓教。一切無礙。即圓教也。餘經之中。或五四三二。多少不定。【文】會玄云。教通者。明一部經。通於五教。故云通也。而曰容有多者。不必多全。或有四教三教二教等故。學者多云。般若但名空教。應審此文。具覽彼經。方知不唯空義。毋招謗法之懣。宗局者。如維摩經多明理事無礙。以斯爲主。是所尙故。但名理事無礙宗。故云局也。【文】若局下。次出意。會玄記云。此正顯吾宗判教之意。唯此義故。勝於餘師。今有指於一經一部。以爲此是始。此是終等者。所失多矣。【文】上一義。本於圭山。此一義。出於賢首清涼。故會玄云。若圭山大疏云。謂一宗教有多教。一教容有多宗。然此料揀。與今不同。彼此直以宗教對論寬狹。不同今清涼疏。以宗教就經說寬狹也。【文】筆削亦云。宗教本不異。今以經料揀。則有寬狹不同也。此上所明。但約宗教俱寬狹說。若約狹義。如

前五教。各詮一義。互不相通。如一經只詮一義。此名教狹。宗隨教說。亦復如是。此名宗狹也。【文】據清涼疏意。一經具五教。教通也。五教不相通。教局也。一宗具多經。宗通也。多經局一宗。宗局也。據筆削記意。一經容多教。教通也。教各詮一義。教局也。一宗容多經。宗通也。宗各詮自義。宗局也。今盡理明。各有二通二局。一宗具多經。宗通也。一教亦通諸經。如諸經空。皆始教攝。諸經圓融。皆圓攝等。則教通也。一經容多教。教通也。一經有通多宗。如華嚴三界唯心。相宗立爲唯識。性宗判爲唯心等。則宗通也。多經局一宗。宗局也。多經亦局一教。如四阿含。唯屬小乘。孟蘭盆等。唯屬人天等。則教局也。五教不相通。教局也。六宗亦各不通。如無相只詮空義。立相只詮有義等。則宗局也。若約多分。一經容有多教。教通也。一經決不能具六宗。以一一經。唯屬一宗。如梵網四分等。皆律宗也。彌陀觀經等。皆蓮宗也。則宗局矣。一宗容具多經。宗通也。一教決不能收多經。以一一經。皆通五教。不屬一故。則教局矣。既有通局各別。豈得不別明耶。問若下。二明體式

有異。先難也。謂有難云。既教有通局。宗亦通局。何不於二者中。唯明其一。如筆削記云。佛說成教。人尚曰宗。宗教不異。由是宗義。隨教而辨。若爾。宗即教。教即宗。何須別說。答下。次通也。亦二。先雙標。謂爲通云。宗教分立。儀式各別。如圭山疏云。教約佛意權實有殊。宗就人心所尚差別。準知佛教。有大小權實。人宗。有空有性相。非教。則不能辨宗中空有爲小爲大。性相爲實爲權。非宗。則不能辨教中小大爲有爲空。權實爲性爲相。汝何相濫而致混耶。教約下。次雙釋。二。初約佛意人心不同。佛意者。佛有三意語。一隨自意語。稱理實說。二隨他意語。隨機權說。三隨自他意語。機理並契。權實雙含。則佛施張。自分權實大小相也。人心者。如圓覺疏云。然約佛涅槃後。賢聖弟子相承傳習。通大小乘。即有多宗途焉。【文】禪源詮云性相二教。據佛本意。雖不相違。然後學所傳。多執文迷智。或各執一見。彼此相非。或二皆汎信。混沌不曉。故龍樹提婆等菩薩。依破相教。廣說空義。破其執有。令洞然解於真空。真空者。是不違有之空也。無著天親等菩薩。依唯識

教。廣說名相。破其執空。令歷然解於妙有。妙有者。是不違空之有也。雖各述一義。而舉體圓具。故無違也。問。若爾。何故已後清辨護法等諸論師。互相破耶。答。此乃相成。不是相破。何者。以末代學人。根器漸鈍。互執空有。故清辨等。破定有之相令盡。徹至畢竟真空。方乃成彼緣起妙有。護法等。破斷滅偏空。意在妙有。妙有存故。方乃是彼無性真空。語雖相破。意即相成。哀哉此方。兩宗後學經論之者。相非相斥。不異生怨。乃至禪者。亦復如是。頓漸門下。相見如仇讐。南北宗中。對敵如楚漢。洗足之悔。摸象之喻。驗於此矣。【文】準知宗性。宗相。宗空。宗有。宗律。宗禪。皆從後人心所分耳。又立下。二約階位所尚差別。二。先正釋。華玄鈔云。教有斷證。宗不約此。位等無多。故但有五重。所尚各別。故有六有十。【文】會玄記云。教有斷證。斷證無多。故教但有五耳。宗不約此斷證以論。而宗尚義別。故有十六多種不同。【文】位等無多者。若斷惑障。證人空。登四果。即小教也。更斷智障。證法空。登三道。見修。即初教也。至斷習氣。證眞空。造六位。住行向地等妙。

即熟教也。無斷無證。位即無位。即頓教也。圓斷圓證。一位一切位。即圓教也。離

此五外。更無斷證。故云無多。所尚各別者。小乘中宗有。前五宗無。第六大乘中。宗

空。宗相。宗法性。宗圓融。既有多種崇尚不同。故云各別。由教約斷證。宗不約

此。故教不可爲宗。宗不可爲教也。由位但有五。尚有多種。故宗教各自有通局式

也。第二下。次出相。又二。初別明。先大乘。第二法相宗。第三真空宗。既破立空

相不同。故分二宗。見道斷分別。修道斷俱生。證道圓二空。二宗不異。故合一教。

通名爲初。又下。次小乘。可者。隨宜不定之謂。以第一宗內。執法有異。可分爲

二。因緣假名。亦可分三。俱有。無我。但名。分四。俱有。無我。但名。分六。俱有。無我。無去。唯現。俗妄。但名。乃至十八。即續子等

十八部。二十。加上座大眾。二根本部。而據其斷惑證理等義是齊。以彼諸宗。不離於四果四向位故。但

爲一小教也。故清涼云。前之六宗。俱有至但名宗。執法有異。故名六宗。斷證位次。不離八

輩。合爲一教。【文】會玄云。八輩。四果四向也。一教。小教也。【文】餘諸下。二

總結。諸宗義。指緣起寂滅等。所尚與階位。相等無差異。則宗教無違。故云。如前

立教明也。上一義亦本圭山。此一義亦出清涼。故會玄云。若圭山大疏云。教約佛意。權實有殊。宗就人心。所尙差別。然此料揀。亦與今不同。彼約佛意人心不同。今清涼疏。約階位所尙。以分別也。【文】故宗下。後結成不濫。

乙五。三觀。二。丙初。總標。

言三觀者。一真空絕相觀。二理事無礙觀。三周遍含容觀。

言下。先標章。一下。次列名。教。猶目也。觀。猶足也。觀依教顯。教依觀行。非時教。則不能生信解。非止觀。則不能起修證。目足相資。解行雙備。方可全身。圓入法界域矣。故教宗後。即譚觀也。會玄記引觀鈔云。自晉至唐。將四百年。此經未興。以理出常情。言驚凡聽。初心成佛。舉衆成疑。善財一生。但謂權設。杜順和尚。即文殊化身。歎曰。大哉法界之經。特設觀門。以爲開示。【文】裴相觀注序云。法界者。一切衆生身心之本體也。從本已來。靈明廓徹廣大虛寂。唯一真之境而已。無有形貌而森羅大千。無有邊際而含容萬有。昭昭於心目之間。而相不可覩。晃晃於色塵之內。而理不可分。非徹法之慧目。離念之明智。不能見自心如此之靈通。

也。甚矣。衆生之迷也。身反在於心中。若大海之一漚爾。而不自知。有廣大之威神。而不能用。穀觫而自投於籠檻。而不自悲也。故世尊初成正覺。歎曰。奇哉。我今普見一切衆生。具有如來智慧德相。但以妄想執著而不證得。於是稱法界性。說華嚴經。令一切衆生。自於身中。得見如來廣大智慧。而證法界也。故此經極諸佛神妙智用。徹諸法性相理事。盡修行心數門戶。眞可謂窮理盡性者也。然此經雖行於世。而罕能通之。有杜順和尚歎曰。大哉法界之經也。自非登地。何能披其文。見其法哉。吾設其門以示之。於是著法界觀。而門有三重。一曰眞空門。揀情妄以顯理。二曰理事無礙門。融理事以顯用。三曰周遍含容門。攝事事以顯玄。使其融萬象之色相。全一眞之明性。然後可以入華嚴之法界矣。【文】清涼玄鏡云。修法界觀門。畧唯三重者。然法界之相。要唯有三。然總具四種。一事法界。二理法界。三理事無礙法界。四事事無礙法界。其事法名界。界即分義。無盡差別之分齊故。理法名界。界即性義。無盡事法。同一性故。無礙法界。具性分義。不壞事理。而無礙故。第四法

界。亦具二義。性融於事。一一事法。不壞其相。如性融通。重重無盡故。今是後三。其事法界。歷別難陳。一一事相。皆可成觀。故畧不明。總爲三觀所依體事。眞空。即理法界。二如本名。三即事事無礙法界。言眞空者。非斷滅空。非離色空。即有明空。亦無空相。故名眞空。如文具之。二理事無礙者。理無形相。全在相中。互奪存亡。故云無礙。亦如文具。三周遍含容者。事本相礙。大小等殊。理本包遍。如空無礙。以理融事。全事如理。乃至塵毛。皆具包遍。此二相望。成於十門。亦如下說。【文】圭山疏云。觀者。情盡見除。冥於三法界也。門唯有三重者。清涼新經疏云。統唯一眞法界。謂總該萬有。即是一心。若心融萬有。便成四種法界。一事法界。界是分義。一一差別。有分齊故。二理法界。界是性義。無盡事法。同一性故。三理事無闕法界。具性分義。性分無闕故。四事事無闕法界。一切分齊事法。一一如性融通。重重無盡。故今於四中。除初事法界也。事不獨立故。法界宗中。無孤單法故。若獨觀之。即是情計之境。非觀智之境故。若分析義門。即有其四。今以對能觀